



GUGGAMUSIG BLEANDASTÖBER

*Z Oberriet hätt's Bankomata viel,
blöd, dass es da Raiffisa nöd langa will.
Ena sini Mafiamethoda send ganz wacker,
drumm schickids zur KB d Panzerknacker.*

*Üsi Verein machid uf modern,
s'Astoh för d'Billett gseht mer nümmer gern.
Blöd nu wenns Ticketsystem nöd richtig goht,
oder im Programmheft an Fehler stoht.*

*Ada Umzüg gohts zua und her wie im Wilda Weschta,
Schlägereia, Lärm und Suufa wends wie di Beschta.
Hoffentlich ischs mit dem jetzt verbi,
wenn di vila schtrenga Regla trätid ii.*

*S Verhalta im Wäldli isch für vieli an Gruus,
so londs s Waldfäscht halt Jahr für Jahr us.
Sie sölids doch wie d TSV probiera,
und s Fäscht uf Oberriet usquartiera.*

*D Polizei hätt wieder amol wella go ruaba,
si honds wella macha wiad Jansen-Buaba.
Vo ena sim Schlöfli sends schnell verwachtet,
mit 142 isch an gleasta BMW id Falla krachet.*

*Am Pfingstlager ladet d Jungwacht grosszügigi ii,
da Zmettig noch da Kircha isch debii.
Das ena s Fleisch usgoht sött nümmer passiera,
ab etz dörids o Käfer und Mada grilliera.*

*Z Oberriet isch d Bürgerversammlig Jahr für Jahr,
Am Gmoandspräsi loht mer ko guats Hoor.
Es het doch da Jahr so guat klappet,
tät an komische Kriassner nöd so glappet.*

*Mit Motorsäga d Lüt im Büro go agriffa,
d Schaffhuser und mör kond da nöd begriffa.
Am Dämmerschoppa hommer Motorsäga o nöd gern,
wenn an Polizischt damit macht an huara Lärm.*

*D Vespabuaba send innovativ,
mit Alpabowling und Roulette sends kreativ.
O Tuba isch s Lokal für jeda Event,
Kobelwald mos luaga dases da Rahma nöd sprengt.*

*Uf grader Strecki an Slalom go macha,
jo s Bauamt z Oberriet macht komische Sacha.
Im Neudorf dött schüblats jedam Maa,
vilicht honds o a kli CBD ka.*

*S neu Fürwehrauto isch a Pracht,
zur Iweihig honds a huara Show gmacht.
Für Gross und Klii gends sich zum Beschta,
dabii honds doch nu wella amol richtig feschtsa.*



GUGGAMUSIG BLEANDASTÖBER

*Z Oberriet hätt's Bankomata viel,
blöd, dass es da Raiffisa nöd langa will.
Ena sini Mafiamethoda send ganz wacker,
drumm schickids zur KB d Panzerknacker.*

*Üsi Verein machid uf modern,
s'Astoh för d'Billett gseht mer nümmer gern.
Blöd nu wenns Ticketsystem nöd richtig goht,
oder im Programmheft an Fehler stoht.*

*Ada Umzüg gohts zua und her wie im Wilda Weschta,
Schlägereia, Lärm und Suufa wends wie di Beschta.
Hoffentlich ischs mit dem jetzt verbi,
wenn di vila schtrenga Regla trätid ii.*

*S Verhalta im Wäldli isch für vieli an Gruus,
so londs s Waldfäscht halt Jahr für Jahr us.
Sie sölids doch wie d TSV probiera,
und s Fäscht uf Oberriet usquartiera.*

*D Polizei hätt wieder amol wella go ruaba,
si honds wella macha wiad Jansen-Buaba.
Vo ena sim Schlöfli sends schnell verwachtet,
mit 142 isch an gleasta BMW id Falla krachet.*

*Am Pfingstlager ladet d Jungwacht grosszügigi ii,
da Zmettig noch da Kircha isch debii.
Das ena s Fleisch usgoht sött nümmer passiera,
ab etz dörids o Käfer und Mada grilliera.*

*Z Oberriet isch d Bürgerversammlig Jahr für Jahr,
Am Gmoandspräsi loht mer ko guats Hoor.
Es het doch da Jahr so guat klappet,
tät an komische Kriassner nöd so glappet.*

*Mit Motorsäga d Lüt im Büro go agriffa,
d Schaffhuser und mör kond da nöd begriffa.
Am Dämmerschoppa hommer Motorsäga o nöd gern,
wenn an Polizischt damit macht an huara Lärm.*

*D Vespabuaba send innovativ,
mit Alpabowling und Roulette sends kreativ.
O Tuba isch s Lokal für jeda Event,
Kobelwald mos luaga dases da Rahma nöd sprengt.*

*Uf grader Strecki an Slalom go macha,
jo s Bauamt z Oberriet macht komische Sacha.
Im Neudorf dött schüblats jedam Maa,
vilicht honds o a kli CBD ka.*

*S neu Fürwehrauto isch a Pracht,
zur Iweihig honds a huara Show gmacht.
Für Gross und Klii gends sich zum Beschta,
dabii honds doch nu wella amol richtig feschtsa.*